



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 3. Didacus Boroa Paranam lustrat.

urn:nbn:de:hbz:466:1-38528

Chiriguanarum fines ingressi, majori labore, quam fructu (uti Peruviae Annales narrabunt) per aliquot annos insudavere.

PAULÒ antequam Socios ad Chiriguanas dimitteret, Didacus Boroa Provincialis Collegium Assumptionis inspectum iverat; unde rediens Paranensium, Urvaicennum, Tapensiumque oppidorum lustrationem, continuato itinere, pro munere occepit. Quem anno, annotatis singulorum locorum hujus anni rebus, sequi lubet, ut ex itinerum qualitate, laborumque multiplicitate, quam Apostolica sit Paraquatiensis Provincialatus dignitas, semel appareat. Triginta leucis distat ab Assumptionis urbe primum Paranæ oppidum. Unde, emensis viginti leucis, Provincialis Itapuam delatus, ab Neophytis, quorum plerosque ipse Christo aliquando generat, variâ hilaritate exceptus est. Itapani, quod plerique infantes nescio quâ aurâ afflati morerentur, ab Divo Ignatio quæsivere mali remedium, non irrito lucceſſu; nam postquam spopondere, Sanctissimi Patris festum quantâ possent pietate se celebraturos, observatum est deinceps rariores mori. Ibidem mulier in limine domûs interrogata ab prætereunte Socio, num infantem suum, quem sinu gestabat, initiales doctrinæ Christianæ preces edoceret, respondit, se ab ipso infante doceri: miratus Pater responsi insolentiam, ab lactente panè puero petit ut solitas preces reciter, quod cum nihil habens fecisset, laudavit Dominum, qui linguas infantium facit esse disertas. Decimo-quinto lapide supra Itapuam coloniam Corporis Christi oppidum visitur, ante duodecim annos ab ipso Didaco Boroa fundatum, quem incolæ venientem, ut primum animarum suarum parentem, omni officiorum genere exceperé. Inter Itapuam & Corporis Christi colonias, Guairanæ reliquiæ in duobus oppidis novo Provinciali non parvam commiserationem peperere, consideranti ad qualem paucitatem redacta esset numerosa provinciæ multitudo: de quibus plura dicere non lubet, ne recentem ingentis vulneris dolorem, nondum obductâ cicatrice, impaço ungue renovem.

IN SPECTO Paranæ, sexdecim leucatum itinere ad primum Urvaicæ oppidum, Conceptionis Immaculatae nomine insignitum, transmisit. Ubi duobus Sociis fide dignis spectantibus, Divorum Ignatii & Xaverii picta tabula abunde sudavere: non sine funestorum eventuum metu; animis similia prodigia in omninoſam calamitatem detorquere solitis. Nec aberant humana indicia, Maramacis ad Oceanum, quæ Tapensem Provinciam spectat, sese ostentantibus. Tertio inde lapide ad Urvaicæ litus Iguasuani recenter translati, Provincialem, qui primos gentis ad Fidem & oppidum ante novennium reduxerat, hilariter receperé. Post ejus discessum aliquid hinc turbatum est, tribus Neophytorum turmis ad patrias sylvas fugâ se recipientibus, quos tandem omnes incredibili Sociorum diligentia repertos, ad Christi caulas postliminio adegeré. Ex hac statione Provincialis adverso Urvaicâ Divi Xaverii oppidum petens, in exigua quatuor leucatum navigatione naufragium fecit: navigationis comites vi tempestatis abstrati, quod ab torrente violenter abruptus fuisset, periisse putarunt, ideoque pro ejus anima sacrificatum est. Séquenti verò die nuncius de ejus incolumente acceptus, Socios multiplicitate exhilaravit, præsertim cum compertissem indubie peritum, nî Iguasuani de naufragio moniti, per fluctus itato mari similes enarrando, cum cum certo periculo erectum ivissent; ejus nempe corpus servantes, qui suas animas è dæmonum servitute eripuerat. In Sancti Xaverii oppido, cuius ipse etiam Provincialis fundamenta jecerat, bis mille reductorum capita reperit. Inde integrò die navigans, Acaraguam, seu ad Assumptionis novam coloniam se contulit, quo in loco hoc anno trecenti & quadraginta-duo adultæ etatis Barbari, & nonaginta septem infantes, Christianorum ritu abluti sunt. Inter quos memorabile factum fuit unius, octo pellices Christophoro Altamirano ibi curanti sistentis, & in has voces prorumpentis. Ex his omnibus pellicibus prolem feci, ideoque omnes mihi cara sunt, sed longe carior est Deus à te nobis annunciatus, cuius amore antiquissima harum mulierum pro uxore mihi retenta, ceteras manu mitto, totidem popularibus meis, quos tibi sisto, legitimo Matrimonio jungendas; quid

CAPUT
III.
Didacus Bo-
roa Paranæ
lustrat.

Infantū ha-
bitus.

CAPUT
IV.
Didacus Bo-
roa Urvi-
cam inspi-
cit.

Sudor por-
textus.

Turba Iguá-
suani.

Provincialis
naufragium.

Quadrageſi-
tæ trigesi-
ta novem ba-
ptizati.

Acaragu-
ensis doce-
conversio.